

ՀԱՍԱՐԱԿԱԿԱՆ ԱՇԽԱՐՀԱԳՐՈՒԹՅԱՆ ՄԵԹՈԴԱԲԱՆԱԿԱՆ ՎԵՐԱԶԻՆՈՒՄԸ

Ա. Լ. ՎԱԼԵՍՅԱՆ

Գիտության ցանկացած ճյուղի հաջողությունները մեծ չափով պայմանավորված են նրանով, թե նա ինչ արագությամբ է արձագանքում «մեթոդաբանական հոլմացույցի» շրջադարձներին: Իսկ ժամանակակից գիտության մեթոդաբանությունը լուրջ փոփոխություններ է կրում: Մարդկությունն աստիճանաբար որդեգրում է բնության դիտարկման նոր տեսանկյուն: Փորձենք երեւելան հանել նոր մոտեցումների թափանցումը հասարակական (սոցիալ-տնտեսական) աշխարհագրության ոլորտը՝ մի գիտություն, որը դեռևս ապրում է համառ «ինքնաորոշումների» փուլը:

Դադարձիք չէ, որ արևմտյան գիտության մեջ երկար ժամանակ գերիշխող էր աշխարհի մեխանիստական պատկերը: Այդ պատկերի հիմնադրական սկզբունքները փոքր-ինչ պարզեցված տեսքով հետևյալն են. 1. «Սպառիչ նկարագրության իդեալի» առկայություն. դասական գիտության կողմնակիցները պնդում էին, որ ցանկացած իրադարձություն միանշանակորեն պայմանավորված է նախնական պայմաններով: Այդպիսի աշխարհում պատահականություն գոյություն չունի (շիշենք Ա. էյնշտեյնի հանրաճանաչ արտահայտությունը. «Անտվածը զառ չի խաղում»): 2. «Դարձելի, ստատիկ աշխարհի» գաղափարի գերիշխում. աշխարհի այդպիսի մոդելը ժամանակը դիտարկում է որպես մի կցորդ: Այսինքն ժամանակի ցանկացած պահ անցյալում, ներկայում և ապագայում չի տարբերվում ժամանակի ցանկացած այլ պահից: Մեխանիստական պատկերի համար հատկանշական է նաև ամբողջի մասնատումը մասերի: «Արվեստի այս ձևում մենք բավականին առաջադիմել ենք,— ընդգծում է Օլվին Թոֆլերը,— այնքան ենք առաջադիմել, որ հաճախ մոռանում ենք բաժան-բաժան մասերից հանձնել այն միասնական ամբողջությունը, որը նրանք երբևէ կազմում էին»¹:

Չնայած բոլոր վերապահումներին և թերություններին, մեխանիստական մոտեցումը մինչև օրս դիրքերը չի զիջել: Մասնավորապես, նրա ազդեցության ոլորտում են գտնվում սոցիալական գիտությունների մեծ մասը, հատկապես տնտեսագիտությունը:

Հայտնի է, որ դեռևս XIX դ. սկզբին Բերմոդինամիկան «ճեղքվածքներ» առաջացրեց աշխարհի մեխանիստական պատկերում: Գիտնականների հաջորդ սերունդների ճիգերը աստիճանաբար հանդեպեցին աշխարհի շատ պլեյի ընդարձակ ժամանակակից պատկերի ստեղծմանը (Ի դեպ, այս նոր պատկերի հետ համադրելի է նաև մեխանիստական մոդելը): Եթե ավանդական գիտությունը շեղտը դնում էր կայունության և հավասարակշռության ուսումնասիրության վրա, ապա ժամանակակից մոտեցման ուշադրության կենտրոնում են անկայունությունը և անհավասարակշռությունը: Հատկանշական է նաև սինէրգետիկայի՝ ինքնակազմակերպման մասին գիտության, բուռն զարգացումը:

Ժամանակակից գիտությունը ցույց տվեց, որ մեխանիստական մոդելի անկյունաքարը՝ սպառիչ նկարագրության հնարավորությունը, կարող է կիրառվել տիեզերքի միայն որոշակի մասերի՝ փակ համակարգերի նկատմամբ: Իսկ համակարգերի մեծ մասը բաց է, այսինքն շրջակա միջավայրի հետ կապող է փոխանակել էներգիա, նյութ և ինֆորմացիա: Այդպիսի համակարգեր-

¹ Տե՛ս Մ. Пригожин, И. Стенгерс, Порядок из хаоса, М., 1986, с. 11.

րից են կենսաքանակային և սոցիալական համակարգերու: Իսկ դա նշանակում է, որ մեխանիստական մոտեցման սահմաններում դրանց ուսումնասիրման փորձերը չեն կարող պսակվել հաջողությամբ: Աստիճանաբար վիջում են դիր-ները նաև «գարձելի ժամանակի» դադափարի հետևորդները: Ժամանակակից իստության կուտակած բազմաթիվ հաստեքը հնարավորություն են տալիս այնպես, որ գարձելիությունը բնորոշ է փակ համակարգերին, իսկ անդար-ձելիությունը՝ օրինակների մաքսած ամբողջ մասին: Բացի այդ, անդարձելի դործընթացները, ինչպես ակնհայտորեն ցույց տվեցին Ի. Պրիգոժինը և Լ. Ստենգերսը², կարգավորվածության աղբյուր են: Էնդ որում, կարգավոր-վածությունն ու կազմակերպվածությունը կարող են ինքնա-երաբար փոխալ-բառսի՝ ինքնակազմակերպման գործընթացի շնորհիվ:

Որ մոտեցումներն ապա կամ այն արագությունը թափանցում են դիտու-ման տարբեր ճյուղերը: Էնդ որում, այս կամ այն ճյուղի դաբաղման թա-փը մեծ չափով պայմանավորված է նրանով, թե ինչ արագությամբ է նրան հաջողվում ընկալել առաջադիմական մոտեցումներն ու մեթոդները: Նման մեթոդաբանական վերադրումներ չի շրջանցել նաև աշխարհագրական դիտու-թյանը: Առաջագիծ հայացքների ներթափանցումը ֆիզիկական աշխարհա-դրության մեջ՝ առանձին հոգևածի թեմա է: Մենք կփորձենք մանրամասն օժենել հասարակական աշխարհագրության մեջ տեղի ունեցող դործընթաց-ները:

Գրառի չի չ, որ ժամանակակից հասարակական աշխարհագրության մեջ ռասսիան դիտության հաջողությունների շնորհիվ դերիշխում են այն մեթո-դաբանական պատկերացումները, որոնք հիմնված են Ֆ. Բեկոնի փիլիսոփա-յության վրա: Դրանց բնորոշ են էմպիրիզմը, ռեզուկցիոնիզմը և տարածու-թյան «բխիկրիտ» ընկալումը: Ի հակադրություն Ֆ. Բեկոնի փիլիսոփայության, Ռ. Պեկարտի հայացքները բնութագրվում են ռացիոնալիզմով, հակառեզուկ-ցիոնիզմով և տարածության «կոնտինուալ» ընկալումով, երբ առանձին օբ-յեկտները դիտարկվում են որպես տարածության հատուկ իրավիճակներ (տո-պոցենսիալիզմ): Հայացքների այս համակարգն առաջին անգամ հաջողությամբ կիրառվեց Ա. Էյնշտեյնի աշխատություններում: Վ. Շուպերը ցույց է տվել, որ Բեկոնի համակարգի համեմատ կարտեզիան մեթոդաբանությունը շատ ավելի արդյունավետ է աշխարհագրության որոշ հարցերի ուսումնասիրման համար (մասնավորապես՝ կենտրոնական տեղերի տեսության մեջ)³: Այդ մոտեցման լայն կիրառությունը հասարակական աշխարհագրության համար ստեղծում է դասվակիչի հեռանկար: Հասկանալի արդյունավետ կարող է լինել տոպո-գենտրիկ մոտեցման օգտագործումը:

Տարածությունն աշխարհագրության մեջ ավանդաբար եղել և մնում է ուշագրության կենտրոնում: Բայց որքան էլ դա տարօրինակ թվա, տոպոգենտ-րիկ մոտեցման կիրառման քիչ թե շատ դիտակցված փորձեր աշխարհագրու-թյան մեջ մինչև օրս գրեթե չկան: Այդպիսի անդրախիվ փորձը, թեևս, պո-գիցիոն սկզբունքի ձևակերպումն է: Այս լուրահատուկ աշխարհագրական անո-րոշությունների հարաբերակցության սկզբունքի համաձայն տարածության մեջ տարբեր դիրք դրավող օբյեկտները միմյանց են նույն լինել ըստ իրենց ֆունկցիոնների, բայց տարբեր՝ ըստ բովանդակության, կամ էլ՝ ընդհակա-ռակը⁴: Օրինակ, եթե արտասահմանից գնվեն երկու համանման դործարաններ և տեղադրվեն մեկը էստոնիայում, մյուսը՝ Թուրքմենիայում, ապա երկու-դեպքում կստացվեն բացարձակապես տարբեր արդյունքներ:

² Տե՛ս նույն աշխատությունը:

³ В. А. Шупер, Устойчивость пространственной структуры систем городского расселения (Автореф. дисс. на соиск уч. степени доктора географических наук, М., 1990).

⁴ Б. Б. Родоман, Позиционный принцип и давление места (Вестник МГУ, сер. географ., 1979, № 4, с. 14—20).

Տոպոցիաստրիկ մոտենցումը կարձալուստւոյն աշխարհայացքային հետեւանքներ ունի: Իրասցից մեկի մասին նշել է Վ. Շուպերը (որը, ի դեպ, այս մոտենցումը փայլուն կիրառել է կենսորոնական տեղերի բնյաարիւթիստական տեսության ստեղծման ընթացքում): Հաս Վ. Շուպերին, տոպոցիաստրիկ մոտենցումը հնարավորութիւն է ընձեռում օբյեկտի ներկա վիճակը բացատրել ոչ թէ նախկին վիճակներով, այլ տարածության մէջ գտնված դիրքից ելնելով: Համապատասխանաբար օբյեկտի ապագա վիճակները կբացատրվեն տարածության ապագա վիճակներից ելնելով: Սակայն տարածության ապագա վիճակը չի կարող բխելու նրա ներկա վիճակից, քանզի նրա ներկա վիճակը չի բխեցվում անցյալից: Ուստի և, եթէ ընդունենք, որ տարածության վիճակները հնարավոր է դետերմինացնել ժամանակի մէջ, ապա նրանք դետերմինացվում են ոչ թէ անցյալով, այլ ապագայով:

Անդարձելի գործընթացների ուսումնասիրութիւնը, ի տարբերութիւն տոպոցիաստրիկ մոտենցման, հասարակական աշխարհագրության մէջ ունի խոր ավանդույթներ: Այնպիսի տեսութիւնների վերլուծութիւնը, ինչպիսիք են Վ. Քրիստալլերի կենտրոնական տեղերի տեսութիւնը, Ա. Լյոշի տնտեսական լանդշաֆտի տեսութիւնը, Տ. Հյոգերստրանդի նորամտութիւնների ներթափանցման տեսութիւնը և Բ. Ռոզմանի բեռնացված լանդշաֆտի տեսութիւնը ապացուցում է, որ հասարակական-աշխարհագրական տեսութիւններով նկարագրվող գործընթացները անդարձելիների թվին են պատկանում: Միաժամանակ, սկսած 1960-ական թվականներից, աշխարհագրության մէջ լայն տարածում գտան ֆիզիկայից փոխառյալ մոդելները (գրավիտացիոն, էնտրոպիական և այլն): Այս բոլոր մոդելները, բացի էնտրոպիականից, նախատեսում են ժամանակի դարձելիութիւն:

Խիստ անհավասարակշռված համակարգերի ուսումնասիրման գործում վերջին երկու տասնամյակների ընթացքում ձեռք բերված հաջողութիւնները (առաջին հերթին, ֆիզիկայում և քիմիայում) արագորեն բարձրացրին հետաքրքրութիւնը դեպի անդարձելի գործընթացները և ինքնակազմակերպման երևույթները նաև հասարակական աշխարհագրության մէջ: Ի. Պրիգոժինի դասական աշխատութիւններից բացի, աշխարհագրության մէջ կար այդպիսի երևույթների ուսումնասիրման ևս մեկ աղբյուր՝ Վ. Վերնադսկու աշխատութիւնները, որոնցում հետազոտվել են երկրի կենսազանգվածի գործունեութիւնը այնպիսի հաստատուններ, ինչպիսիք են կենդանի նյութի զանգվածը, կամ համաշխարհային օվկիանոսի աղային կազմը:

Հասարակական աշխարհագրության ոլորտում նման տիպի հաստատուններ (կամ, ավելի ընդհանուր դեպքում, ինվարիանտներ) առայժմ համեմատաբար քիչ են հայտնաբերված, սակայն դրանց որոնումը պետք է դառնա աշխարհագրական գիտութիւնը զարգացման կարևորագույն ուղղութիւններից մեկը:

Ժամանակակից փիլիսոփայութիւնը առանձնացնում է գիտական օրենքների երեք տիպ. դինամիկական, վիճակագրական և ռազմաբնական: Դինամիկական օրենքի դեպքում գործընթացի հետագիծը ներկայացվում է վերլուծական ձևով և գրաֆիկորեն արտահայտվում է գծով: Վիճակագրական օրենքի դեպքում գործընթացի դետերմինացումը կրում է հավանականային բնույթ, իսկ գրաֆիկում գոյացնում է ճապաղված հետագիծ: Եվ, վերջապես, ռազմաբնական օրենքի դեպքում տրվում են այն սահմանները, որոնք անանցանելի են տվյալ գործընթացի համար: Գրաֆիկում դա պատկերվում է սահմանափակ տիրույթի ձևով:

⁵ В. А. Шупер, *Уд. աշխ.*, էջ 3:

⁶ В. И. Вернадский, Химическое строение биосферы Земли и ее окружения, М., 1965.

⁷ А. Ф. Зотов, Диалектика развития науки, ее ценностные установки и познавательные схемы (Вопросы философии, 1976, № 1).

Օրենքների ձևակերպումը արգելքի սկզբունքների միջոցով ի վերջո հանգեցնում է ինվարիանտների որոշման անհրաժեշտությանը: Ձէ որ այդ ինվարիանտները կարելի է դիտարկել որպես համակարգերի որոշակի վիճակների սահմանները բնութագրող մեծություններ:

Ներկայումս հասարակական աշխարհագրության մեջ հայտնի են հետևյալ հաստատուններն ու ինվարիանտները.

1. Տարածական ինքնակազմակերպման ինվարիանտը, որն առաջարկվել է Գ. Գոլցի կողմից, ունի հետևյալ տեսքը⁸.

$$\Delta = \frac{12,3 \dots 1^3}{1}$$

որտեղ M -ը - ժամանակի միջին ծախսումներն են՝ մի ուղղությամբ կատարվող աշխատանքային տեղաշարժերի համար (ժամ), P -ն աշխատանքային օրվա միջին տևողությունն է (ժամ): Պարզ է, որ իմանալով աշխատանքային օրվա միջին տևողությունը և հասարակական տրանսպորտի միջին արագությունը, կարելի է որոշել քաղաքի սահմանային շափսերը, որի կախվածությունը նշված փոփոխականներից հանդես է դալիս որպես ինվարիանտ:

2. Գ. Գոլցը հայտնաբերել է ևս մեկ ինվարիանտ: Դա ներքաղաքային և արտաքաղաքային տրանսպորտային աշխատանքների հավասարակշռությունն է: Այս ինվարիանտի որոշման դեպքում հնարավորություն է ստեղծվում մոտենալ տրանսպորտային զարկերակների թողունակության որոշման հարցին⁹:

3. Մեծ հետաքրքրություն է ներկայացնում Ու. Ուորնցի կոնստանտը: ԱՄՆ-ի ազգային եկամուտը նա հաշվարկեց ոչ թե մեկ շնչի, այլ դիադայի, այսինքն փոխներգործող բնակչության ցանկացած հնարավոր զույգի հաշվով (դիադաների թիվը հավասար է բնակչության ընդհանուր թվի քառակուսու կեսին): Պարզվեց, որ 1870—1970 թթ. ընթացքում ԱՄՆ-ի ազգային եկամուտն աճել է մոտավորապես 1,5 անգամ: Բայց այդ նույն ժամանակաշրջանում բնակեցված տարածքը նույնպես աճել է, և բնակիչների միջև եղած փոխներգործության միջին հեռավորությունը 256-ից հասել է 344 մղոնի¹⁰: Նթե հաշվի առնենք այս աճը, ապա պարզվում է, որ եկամուտը դիադայի հաշվով մնացել է անփոփոխ: Այս ինվարիանտի իմաստն այն է, որ ազգային եկամտի աճը հարկավոր է հատուցել մարդկանց շփման ինտենսիվության և շփվող մարդկանց միջև եղած միջին հեռավորության աճով:

4. 1986 թ. Վ. Շուպերը հայտնաբերեց տարաբնակեցման համակարգերի տարածական ինքնակազմակերպման ինվարիանտը, որն ունի հետևյալ տեսքը¹¹.

$$\sum_{i=1}^m \frac{R_i^t}{R_i^e} = m - 1,$$

որտեղ R_i^t և R_i^e համապատասխանաբար տեսական և էմպիրիկ շառավիղներն են, m -ը մակարդակների ընդհանուր թիվն է՝ կենտրոնական տեղերի համակարգում:

Հիշատակված ինվարիանտը վկայում է, որ տարաբնակեցման համակարգերում գոյություն ունի իզոսթատիկ հավասարակշռություն, այսինքն փոխ-

⁸ S. A. B. A. Шупер, Инварианты пространственной самоорганизации социально-географических явлений. Проблемы совершенствования и прогнозирования территориальной организации общества и среды, Ереван, 1988, с. 151.

⁹ Նույն տեղում, էջ 151:

¹⁰ Նույն տեղում, էջ 152:

¹¹ Նույն տեղում, էջ 155:

կապակցվածությունն այդ համակարգերի կառուցվածքի և ըստ մակարդակների բնակչության բաշխման միջև: «Ծանր» մակարդակները հեռանում են կենտրոնից, իսկ «թեթևները»՝ ընդհակառակը, մոտենում են նրան: Ընդ որում, ծանր և թեթև մակարդակներն այնպես են միմյանց հավասարակշռում, որ ամբողջ համակարգը գտնվում է հավասարակշռության վիճակում:

Պետք է նշել, որ ինվարիանտների որոնումը կարելի է մեկնաբանել որպես յուրատեսակ արգելքների սկզբունքների որոնում: Չէ՞ որ ինվարիանտները նկարագրում են գեոհամակարգերի որոշակի վիճակների սահմանները, այսինքն բացառում են հսկայական թվով հնարավորություններ: Աշխարհագրության մեջ բազմաթիվ տեսություններ աչքի են ընկնում հենց պոտենցիալ հնարավորությունների բացառման անբավարար մակարդակով:

Ամփոփենք: Մեթոդաբանական վերադիմումը աշխարհագրության մեջ արտահայտվում է Բեկոնի մոդելից դեպի Դեկարտի մոդել կատարվող շրջադարձով, ինչպես նաև աշխարհագրական երևույթների տարածական ինքնակազմակերպման նոր ինվարիանտների որոնումով: Սրանք հենց այն ուղղություններն են, որոնց հետևելով ժամանակակից հասարակական աշխարհագրությունը կարող է ստանալ տեսական և գործնական ծանրակշիռ արդյունքներ և հենց այդ ձևով բարձրացնել իր հեղինակությունը գիտությունների համակարգում:

МЕТОДОЛОГИЧЕСКОЕ ПЕРЕООРУЖЕНИЕ ОБЩЕСТВЕННОЙ ГЕОГРАФИИ

А. Л. ВАЛЕСЯН

Резюме

Процесс проникновения «новых веяний» в область общественной (социально-экономической географии)—науки, которая все еще находится на стадии усиленного поиска самой себя—идет все активнее. Если традиционная наука акцентировала внимание на изучении устойчивости, порядка, равновесия, то в фокусе интересов современной парадигмы—на неустойчивости, разупорядоченности. Характерно также бурное развитие синергетики.

«Диффузия» новых методологических представлений в общественной географии происходит, в основном, по двум направлениям: поворот от беконианской модели к картезианской с широким применением топоцентрического подхода, а также поиск новых инвариантов пространственной самоорганизации географических явлений.